

JU ZAVOD ZA MEDICINU RADA KANTONA SARAJEVO

Na osnovu člana 66. stav 1. Zakona o zdravstvenoj zaštiti („Službene novine Federacije BiH“, broj: 46/10, 75/13), člana 2. i 7. stav 1. tačka b) Pravilnika o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove ("Službene novine Federacije BiH", broj: 77/17), član 14. stav 2. Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za medicinu rada Kantona Sarajevo ("Službene novine Kantona Sarajevo", broj: 7/12), te člana 30. i člana 33. stav 1. Statuta JU Zavod za medicinu rada Kantona Sarajevo (Službene novine Kantona Sarajevo 45/13 i 47/13), na osnovu Odluke Upravnog odbora, broj: 02-232-7/19 od 14.03.2019. godine, raspisuje se

JAVNI OGLAS

za izbor i imenovanje direktora JU Zavod za medicinu rada Kantona Sarajevo

I Opis pozicije direktora

Organizuje rad i rukovodi radom Zavoda; zastupa i predstavlja Zavod prema trećim licima; odgovoran je za zakonitost rada Zavoda; predlaže Upravnom odboru mjere za efikasno i zakonito obavljanje djelatnosti; predlaže unutrašnju organizaciju rada, te planove i programe rada; dostavlja nacerte normativnih akata Upravnom odboru i izvršava odluke Upravnog odbora; podnosi Upravnom odboru Izvještaj o radu i finansijskom poslovanju; odlučuje o pravima, obavezama i odgovornostima zaposlenika; imenuje i razriješava dužnosti odgovorna lica; obustavlja od izvršenja svaki opšti i pojedinačni akt, koji je u suprotnosti sa zakonom; odgovoran je za izvršenje finansijskog plana, kao i za rezultate rada i finansijsko poslovanje Zavoda; te vrši i druge poslove u skladu sa zakonom.

II Mandat

Imenovanje direktora vrši se na mandatni period od četiri (4) godine.

III Opći uslovi

Kandidat za poziciju direktora, JU Zavod za medicinu rada Kantona Sarajevo, treba da ispunjava sljedeće uslove:

- da je državljanin BiH,
- da je stariji od 18.godina,
- da ima opću zdravstvenu sposobnost za obavljanje navedene pozicije,
- da se na njega ne odnosi član IX.1. Ustava BiH,
- da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poziva, djelatnosti ili dužnosti,
- da nije član Upravnog odnosno Nadzornog odbora niti jedne javne ustanove, odnosno drugog pravnog subjekta,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH,
- da nije angažiran na drugoj poziciji koja može uticati na eventualni sukob interesa i da ne postoje druge zakonske smetnje za obavljanje funkcije direktora.

IV Posebni uslovi

Kandidat za poziciju direktora, pored uslova iz tačke III ovog oglasa, treba da ispunjava i posebne uslove:

- završen medicinski fakultet i specijalizacija iz medicine rada ili/i sporta ili specijalizacija srodne grane medicine, a koja je zastupljena u djelatnosti Zavoda,
 - da ima najmanje pet (5) godina radnog iskustva u struci,
 - da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
 - da ponudi prihvatljiv Program rada i stručnog razvoja Zavoda, za predstojeći mandatni period,
 - da ima provjerene rezultate u pogledu stručnih, organizacionih i drugih sposobnosti.

V Dokazi

Kandidat je dužan uz svojeručno potpisanu prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od tri mjeseca), kao dokaz o ispunjavanju općih i posebnih uslova traženih ovim oglasom.

Potrebna dokumenta

- uvjerenje o državljanstvu,
- izvod iz matične knjige rođenih,
- ljekarsko uvjerenje o zdravstvenoj sposobnosti (Napomena: ovaj dokaz će dokazivati kandidat koji bude izabran za direktora),
- potpisana izjava kandidata i ovjerena od strane nadležnog organa, da se na njega ne odnosi član IX.1. Ustava BiH,
- potpisana izjava kandidata i ovjerena od strane nadležnog organa, da nije kažnjavan iz oblasti privrednog prestupa,
- potpisana izjava kandidata i ovjerena od strane nadležnog organa, da mu nije izrečena zaštitna mjera zabrane vršenja poziva, djelatnosti ili dužnosti,
- potpisana izjava kandidata i ovjerena od strane nadležnog organa, da nije član upravnog odnosno nadzornog odbora niti jedne javne ustanove, odnosno drugog pravnog subjekta,
- Potpisana izjava kandidata i ovjerena od strane nadležnog organa, da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH,
- potpisana izjava kandidata i ovjerena od strane nadležnog organa, da nije angažiran na drugoj poziciji koja može uticati na eventualni sukob interesa i da ne postoje druge zakonske smetnje za obavljanje funkcije direktora,
- diploma o završenom medicinskom fakultetu,
- uvjerenje o položenom specijalističkom ispitu,
- potvrda o radnom iskustvu,
- certifikat o obavljenoj edukaciji iz zdravstvenog menadžmenta, i to sva tri nivoa edukacije, odnosno dokaz o završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
- program rada i stručnog razvoja Zavoda, za predstojeći mandatni period,
- potpisana izjava kandidata i ovjerena od strane nadležnog organa, da ima provjerene rezultate u pogledu stručnih, organizacionih i drugih radnih sposobnosti.

VI Podnošenje prijava

Prijava sa potrebnom dokumentacijom, dostavlja se lično ili preporučenom pošiljkom, sa naznakom „Prijava na javni oglas za poziciju direktora – ne otvarati“. Prijave se dostavljaju na adresu: JU Zavod za medicinu rada Kantona Sarajevo, Bulevar Meše Selimovića, br.2., Sarajevo, u roku od 15 dana, od dana objavljivanja oglasa.

Prijave podnose nakon isteka roka, odnosno bez potpune tražene dokumentacije, odbacit će se kao neblagovremene, odnosno nepotpune.

Javni oglas će biti objavljen u dnevnim novinama "Oslobođenje", na web stranici Zavoda i na oglasnoj ploči Zavoda.

VII Ostalo

O Odluci o imenovanju direktora, obavještavaju se ostali učesnici oglasa najkasnije u roku od 8 (osam) dana od dana donošenja Odluke o imenovanju direktora Zavoda.

Svaki učesnik oglasa u roku od 8 dana od dana prijema obavještenja može pokrenuti upravni spor pred nadležnim sudom.